


कुण्डलिया

गिरिधरराय



प्रकाशक—(राजा) रामकुमार बुकडिपो, हजरतगंज लखनऊ
मूल्य १)

श्रीगणेशाय नमः ।

कुण्डलिया ।

गिरधरराय कृत ।

जियबो मरिबो बेउने यह नहिं अपने हाथ ।
जानत हैं वे नन्दमुत बिहरत बछरुन साथ ॥ बिहरत
बछरुन साथ चारियुग के रखवारे । इन्द्रमान जिन हस्यो
बिपति के काटन हारे ॥ कह गिरधर कविराय ज्वाब
शाहन से करिबो । आछत सीताराम उमिरि अपनी
भरि जियबो ॥

१ पुत्र प्राण ते अधिक है चारिउ युग परिमान ।
सो दशरथ नृप परिहरेउ बचन न दीन्हों जान ॥ बचन
न दीन्हों जान बड़न की बूझ बड़ाई । बात रहे सो काज
और बरु सरबस जाई ॥ कह गिरधर कविराय भये नृप
दशरथ जैये । प्राण परिहरे बचन नेक परिहरे न ऐसे ॥

२ साईं बेटा बाप के बिगरे भये अकाज । हरणा-
कश्यप कंस को गयउ दुहुन को राज ॥ गयउ दुहुन को
राज बाप बेटा में बिगरी । दुश्मन दावागीर हँसे बहु

मण्डल नगरी ॥ कह गिरधर कविराय युगन याही
चलि आई । पिता पुत्र के बैर नफा यह कौने पाइ ॥

३ बेटा बिगरो बाप सों करि तिरियन को नेहु ।
लटापटी होने लगी मोहिं जुदा करि देहु ॥ मोहिं जुदा
करि देहु घरी मा माया मेरी । लेहों घर अरु बार करौं
मैं फजियत तेरी ॥ कह गिरधर कविराय सुनो गदहा
के लेटा । समय पखो है आय बाप से भ्रगरत बेटा ॥

४ रही न रानी के कई अमर भई यह बात ।
कवने पुरबल पापते बन पठयो जगतात ॥ बन पठयो
जग तात कन्त सुरलोक सिधारेउ जेहि । सुत कारन
मरेउ राउ नहिं बदन निहारेउ ॥ कह गिरधर कविराय
भई यह अकथ कहानी । यश अपयश रह गयउ रही
नहिं केकय रानी ॥

५ साईं ऐसे पुत्र से बाँझ रहे बरु नारि । बिगरी बेटे
बाप से जाय रहे ससुरारि ॥ जाय रहे ससुरारि नारि के
नाम बिकाने । कुल के धरम नशाय और परिवार
नशाने ॥ कह गिरधर कविराय मातु भक्खै वहि ठाई ।
ऐसे पुत्र न होय बाँझ रहतिउँ बरु साईं ॥

६ नारी अतिबल होत है अपने कुल की नाश ।
कौरव पांडव वंश को कियो द्रौपदी नाश ॥ कियो
द्रौपदी नाश केकयी दशरथ मारेउ । राम लषन से पुत्र
तेउ बनबास सिधारेउ ॥ कह गिरधर कविराय सदा नर
रहे दुखारी । सो घर सत्यानाश जहाँ है अतिबल नारी ॥

७ मकर वाली नारि को मारो ना मिमिआइ ।
सरिता बोले मोर सो जियत भुवंगै खाइ ॥ जियत भुवंगै
खाइ मुनिन के जिय तरसावै । कौतुक अपना करै
कुँवरि के अंक लगावै ॥ कह गिरधर कविराय जैसे खाँड़े
की धारा । देखे हृदय बिचारि नारि यह बड़ी प्रकारा ॥

८ नारी परघर जाइ अरे यह भला न माने । जो
घर रहे निदान चाल भाषा पहिचाने ॥ भाषा चाल
पहिचानि बहुरि उत्पात न होई । जो कछु लागे दोष
अरे सुन आवे रोई ॥ कह गिरधर कविराय समय पर
देत है गारी । मरा पुरुष जिय जान जबै परघर गइ नारी ॥

९ काँची रोटी कुचकुची परती माछी बार । फूहर
वही सराहिये परसत टपके लार ॥ परसत टपके लार

भूपटि लरिका सौचावै । चूतर पोंछे हाथ दोऊ कर
सिर खजुवाव ॥ कह गिरधर कविराय फूहर के याही
घैना । कजरौटा नहिं होइ लुआठे आँजें नैना ॥

१० चिन्ता ज्वाल शरीर बन दावानल लगिजाय ।
प्रगट धुआँ नहिं देखिये उर अन्तर धुधुआय ॥ उर अंतर
धुधुआय जरे जम काँच की भट्टी । रक्तमांस जरि जाइ
रहे पाँजर की ठट्टी ॥ कह गिरधर कविराय सुनो हो
मिन्ता । वे नर कैसे जियें जाहि तन व्यापै चिन्ता ॥

११ साईं पुर ज्वाला उठी आसमान लों धाय ।
अन्धहिं पंगुहिं छाँड़ि के पुरजन चले पराय ॥ पुरजन
चले पराय अंध एक मंत्र बिचारो । पंगुहिं लीन्हे कन्ध
डीठवाके पगुधारो ॥ कह गिरधर कविराय सुमति ऐसी
चलि आई । बिना सुमति को गयो राज रावण की नाई ॥

१२ सुवा एक दाड़िम के धोखे गयो नारियल खान ।
कछु खायो कछु खान न पायो फिर लागो पछितान ॥
फिर लागो पछितान बुधि आपनि को रोवा । निगु-
णियन के साथ गुणिन अपना गुण खोवा ॥ कह

गिरधर कविराय सुनो हो मोरे नोखे । गयो फूट
कहीं दूटि चोंच दाड़िम के धोखे ॥

१३ सोरठा—शुक ने कहा संदेश, सेमर के पग
लागिहों । पगन परे वह देश, जब मुधिआवै फलनकी ॥

१४ कुरडलिया—भूलो चातक आइके घटा धुवाँकी
देखि । हों जानी जस जलजहै बादर श्याम विशेषि ॥
बादर श्याम विशेषि देखि सोता को धायो । एक
समय संकटपरे कौन काके घर आयो ॥ कह गिरधर
कविराय धुवाँ को यह फल पायो । जो जल को तू
गयो सोइ नयनन जल आयो ॥

१५ साईं बैर न कीजिये गुरु पंडित कवि यार ।
बेटा बनिता पँवरिया यज्ञ करावनहार ॥ यज्ञ करावन-
हार राजमंत्री जो होई । विप्र परोसी वैद्य आपको
तपै रसोई ॥ कह गिरधर कविराय युगन से यह
चलि आई । इन तेरह से तरह दिये बनि आवे साईं ॥

१६ बैरी बँधुवा बानियाँ ज्वारी चोर लबार । बट-
पारी रोगी ऋणी नगर नारिको यार ॥ नगर नारिको

यार भूलि परतीत न कीजै । सौ सौगंदें खायँ चित्त
में एक न दीजै ॥ कह गिरधर कविराय घर आवै
अन गेरी । मुँह से कहै बनाय चित्त में पूरा बैरी ॥

१७ बनियाँ अपने बाप को ठगत न लावै बार ।
निशिबासर जननी ठगे जहाँ लेत अवतार ॥ जहाँ
लेत अवतार मास दश उदर में राखे । गुरु से करै
बिबाद आप पंडित हूँ भाखे ॥ कह गिरधर कविराय
बेंचे हरदी और धनियाँ । मित्र जानि ठगि लेहि
जहाँ तक भक्ता बनियाँ ॥

१८ आटा में आटा घटै घट दाल में दार । कबहुँक
घटिहै घीव महुँ तो हमसे हूँ है रार ॥ हमसे हूँ है रार
मारि जूतन जी लेहौं । जाने सकल जहान दाम एको
ना देहौं ॥ कह गिरधर कविराय बैठिहों तुम्हरे घाटा ।
पनहिन मूढ़ ठठैहों जो कबहुँक घटिहै आटा ॥

१९ झूठे मीठे बचन कह ऋण उधार ले जाय ।
लेत परम सुख ऊपजे लैके दियो न जाय ॥ लैके
दियो न जाय ऊँच अरु नीच बतावै । ऋण उधारके

रीति माँगते मारन धावै ॥ कह गिरधर कविराय
जानि रहै मन में रूठा । बहुत दिना हूँ जाय कहे
तेरा कागज भूठा ॥

२० सोना लादन पिय गये सुना करि गये देश ।
सोना मिले न पिय मिले रूपा हूँ गै केश ॥ रूपा हूँ गै
केश रोय रंगरूप गँवावा । सेजन को विश्राम पिया
बिन कबहुँ न पावा ॥ कह गिरधर कविराय लोन बिन
सबै अलोना ॥ बहुरि पिया घर आवै कहा करि हौं ले सोना ॥

२१ मोती लादन पिय गये धुर पटना गुजरात ।
मोती मिले न पिय मिले युग भर बीती रात ॥ युग
भर बीती रात बिरहिनी आनि सतावै । चौँकि परी
ब्रजनारि पिया का लिखा न आवै ॥ कह गिरधर
कविराय हमें ज्यों कृष्ण औ गोपी । आगि लगे
वह देश जहाँ उपजति है मोती ॥

२२ जाकी धन धरती हरी ताहि न लीजै संग ।
जो चाहै लेतो बने तो करि डारु निपंग ॥ तो करि डारु
निपंग भूलि परतीत न कीजै । सौ सौ गन्दें खाय
चित्त में एक न दीजै ॥ कह गिरधर कविराय कबहुँ

बिश्वास न वाकी । शत्रु समान परिहरिय हरिय धन
धरती जाकी ॥

२३ साई सत्य न जानिये खेलि शत्रु सँग सार ।
दाँव परे नहिं चूकिये तुरत डारिये मार ॥ तुरत डारिये
मार नरद कच्ची करि दीजै । कच्ची होयतो होय मारि
जगमें यश लीजै ॥ कह गिरधर कविराय युगन याही
चलि आई । कितने मिले धधाइ शत्रु को मारिये साई ॥

२४ नदी न छाड़ै तीर को जो बरषा सरमाय ।
बाढ़ि २ दिन चारिको अपयश जन्म नशाय ॥ अप-
यश जन्म नशाय वही पाहन को रेखा । बड़ी बड़ाई
लहत सदा हम कबहुँ न देखा ॥ कह गिरधर कवि-
राय नेक नेकी नहिं छोड़ा । बदी कियेका होय नदी
को तीर न छोड़ा ॥

२५ दौलत पाय न कीजिये सपने में अभिमान ।
चंचल जल दिन चारि को ठाउँ न रहत निदान ॥
ठाउँ न रहत निदान जियत जग में यश लीजै ।
मीठे बचन सुनाय बिनय सबही की कीजै ॥ कह

गिरधर कविराय अरे यह सब घट तौलत । पाहुन
निसि दिन चारि रहत सबही के दौलत ॥

२६ गुण के गाहक सहस नर बिनु गुण लहै न
कोय । जैसे कागा कोकिला शब्द सुनै सब कोय ॥
शब्द सुनै सब कोय कोकिला सबै सुहावन । दोऊ
को यक रंग काग सब भये अपावन ॥ कह गिरधर
कविराय सुनो हो ठाकुर मन के । बिन गुण लहे न
कोय सहस नर गाहक गुण के ॥

२७ मित्र बिछोहा अति कठिन मति दीजै करतार ।
वाके गुण जब चित चढ़े बर्षत नयन अपार ॥ बर्षत
नयन अपार मेघ सावन भरि लाई । अब बिछुरे कब
मिलो कहो कैसी बनिआई ॥ कह गिरधर कविराय
सुनो हो बिनती एहा । हे करतार दयालु देहु जनि
मित्र बिछोहा ॥

२८ साईं तहाँ न जाइये जहाँ आव सो धाय ।
बरन बिपै जानै नहीं गदहा दाखे खाय ॥ गदहा दाखे
खाय गऊ पर दृष्टि लगावै । सभा बैठि मुसकाय यही

दिखाई ॥ कह गिरधर कविराय बिरहिनी हेत हैं चोकैं ।
समुझ बूझि के चलो बुरी नयनन की नोकैं ॥

५७ प्रीति कीजिये बड़न सो समया लावे पार ।
कायर कूर कपूत हैं बोरि देत मझधार ॥ बोरि देत मझ-
धार भीति की कौन बढ़ाई । पछिताने फिर देहि जगत
में अपयश पाई ॥ कह गिरधर कविराय प्रीति साँची सिख
लीजै । व्यवहारी जो होय तऊ तन मन धन दीजै ॥



५८ साईं घोड़न आछतहि गदहन आये राज ।
कौवा लीजै हाथमें दूरि कीजिये बाज ॥ दूरि कीजिये
बाज राज पुनि ऐसो आयो । सिंह कीजिये कैद स्यार
गजराज चढ़ायो ॥ कह गिरधर कविराय जहाँ यह बूझि
बढ़ाई । तहाँ न कीजै भोर साँझ उठि चलिये साईं ॥

५९ साईं अवसर के पड़े को न सहे दुख द्दन्द ।
जाय बिकाने डोम घर श्रीराजा हरिचन्द ॥ श्रीराजा
हरिचन्द करे मरघट रखवारी । किये तपस्वी भेष फिरे

अर्जुन बलधारी ॥ कह गिरधर कविराय तपै वह भीम
रसोई । को न करै घटि काम परै अवसर के साई ॥

६० कुसमय चले विदेश कहँ काची लाद कुम्हार ।
वर्षा ऋतु बैरिन भई बादर कीन्हों मार ॥ बादर कीन्हों
मार इतै उत कछु नहिं सूझे । भर गइ ताल तलाय नदी
औ सिंधु का बूझे ॥ कह गिरधर कविराय चले पहुँचे दिल
पशमा । चला करे मल बाँधि चले का अपना बशमा ॥

६१ पपिहा तोहिका मारिहौं छोड़ देहु मोर गाँव ।
आधी रात को बोलते लैलै पिउको नाँव ॥ लैलै पिउ
को नाँव ठाँव हमरे नहिं छोड़े । कठिन तुम्हारो बोल
जाइ हिरदे में शूलै ॥ कह गिरधर कविराय सुनो हो
निरदय पपिहा ॥ नेक रहनदे मोहि चाँच मूँदेरह पपिहा ॥

६२ क्यारी केर कसूर का मृगमदबरहा बंध । सींचे
नीर गुलाब से लहसुन तजे न गंध ॥ लहसुन तजे
न गंध रुद्र अगर संयूता । कबहुँ अहै गजराज कबहुँ
शूकर के पूता ॥ कह गिरधर कविराय वेद भाखै यह
सारी । बीज बोये सो होय कहा कर उत्तम क्यारी ॥

६३ लंकापति तुमसे गई ज्यों बसन्त द्रम पात ।
 सुमति बिभीषण ज्यों दई तब तुम मारी लात ॥
 तब तुम मारी लात भागि तबही ते आयउ । मिल्यो
 राम दल जाय काज धौं केतिक साखउ ॥ कह
 गिरधर कविराय राम जिय बाढ़ी संका । तपै
 बिभीषण राज अरे पति दूटी लंका ॥

६४ साई गिरधर गिरधर्यो गिरधर २ होय ।
 हनूमान जब गिर धरेउ गिरधर कहत न कोय ॥
 गिरधर कहत न कोय के ताको किनका धरेऊ ।
 गिरधर गिरधर होय कहत सबको दुख हरेऊ ॥ कह
 गिरधर कविराय सुनो हो ज्ञानी भाई । थोरे में यश
 होय यशी पुरुषन को साई ॥

६५ साइ इन्हें न बिरोधिय छोट बड़ो सब भाय ।
 ऐसे भारी वृक्ष को कुल्हरी देत गिराय ॥ कुल्हरी देत
 गिराय मार के जमी गिराई । दूक २ के काटि समुद्र
 में देत बहाई ॥ कह गिरधर कविराय फूट जेहि के घर
 जाई । हिरणकशिपु अरु कंस गये बलि रावण भाई ॥

६६ लाठी में गुण बहुत हैं सदा राखिये संग ।
गहरी नदि नारा जहाँ तहाँ बचावे अंग ॥ तहाँ बचावे
अंग भूपटि कुत्ता कहँ मारे । दुश्मन दावागीर होय
तिनहूँको झारे ॥ कह गिरधर कविराय सुनो हो धुरके
बाठी । सब हाथयारन छाड़ हाथ महँ लोजै लाठी ॥

६७ कमरी थोरे दामकी आवैं बहुतै काम । खासा
मलमल बाफता उनकर राखे मान ॥ उनकर राखे मान
बूँद जहँ आड़े आवैं । बकुचा बाँधे मोट रातको झारि
बिछावैं ॥ कह गिरधर कविराय मिलत है थोरे दमरी ।
सब दिन राखे साथ बड़ी मर्यादा कमरी ॥

६८ जुगनू बाल सूय सो हम बिन जग अँधि-
यार । दिनके ठाकुर तुम भये रात के हम कोतवार ॥
रातके हम कोतवार जुगुनु असनाम हमारो । तुम आ-
काशमें रहो हमारो पृथ्वी द्वारो ॥ कह गिरधर कविराय
सुनो हो प्यारे जुगुनू । ऐंड़ि ऐंड़ि बतलाहि सूर्य के
सन्मुख जुगुनू ॥

६९ बिना बिचारे जो करे सो पाछे पछिताय । काम
बिगारे आपनो जग में होत हँसाय ॥ जग में होत हँसाय

चित्तमें चैन न पावै। खान पान सन्मान राग रँग मनहि
न भावै॥ कह गिरधर कविराय दुःख कछु टरत न टारे ।
खटकत है जिय माँहि कियो जो बिना बिचारे ॥

७० बीती ताहि बिसारि दे आग की सुधिलेइ ।
जो बनिआवे सहजमें ताही में चितदेइ॥ ताहीमें चि-
तदेइ बात जोई बनिआवै। दुर्जन हँसे न कोइ चित्तमें
खता न पावै ॥ कह गिरधर कविराय यहै करु मनकी
प्रीती । आगे को सुख होय समुझि बीती सो बीती ॥

७१ साइ अपने चित्त की भूल न कहिये कोय ।
तब लग मनमें राखिये जबलग काज न होय ॥ जब
लग काज न होय भूल कबहुँ ना कहिये । दुर्जन
हँसे न कोय आप सियरे होय रहिये ॥ कह गिरधर
कविराय बात चतुरन की ताई । करतूती कहि देत
आप कहिये नहिं साई ॥

७२ साइ अपने भात को कबहुँ न दीजै त्रास ।
पलक दूरि नहिं कीजिये सदा राखिये पास ॥ सदा
राखिये पास त्रास कबहुँ नहिं दीजै । त्रास दियो

लंकेश ताहि की गति सुन लीजै ॥ कह गिरधर
कविराय रामसो मिलियो जाई । पाय विभीषण
राज्य लंकपति बाज्यो साई ॥

७३ साई नदी समुद्र को मिली बड़प्पन जानि ।
जाति नास भंयो मिलत ही मान महत की हानि ॥
मान महत की हानि कहो अब कैसी कीजै । जल
खारा हूँ गयो ताहि कहो कैसे पीजै ॥ कह गिरधर
कविराय कच्छ औ मच्छ सकुचाई । बड़ी फजीहत
होय तबो नदियन की साइ ॥

७४ साई सन औ दुष्टजन इनको यहै सुभाव ।
खाल खिचावे आपनो परबन्धन के दांव ॥ परबन्धन के
दांव खाल अपनी खिचवावै । मूढ़ काटिके फवै तऊ
वह बाज न आवै ॥ कह गिरधर कविराय जरै आपनी
कटाई । जल में परि सड़ गये तऊ छाड़ी न खुटाई ॥

७५ साई समय न चूकिये यथाशक्ति सन्मान ।
को जाने को आइ है तेरी पौरि प्रमान ॥ तेरी पौरि
प्रमान समय असमय तकि आवै । ताको नयनन

खोलि अंक भरि हृदय लगावै ॥ कह गिरधर कावराय
सबै यामें सुधि आई । सीतल जल फल फूल समय
जनि चूको साई ॥

७६ साई ऐसी हरिकरी बलिके द्वारे जाय । पहिले
हाथ पसारि के बहुरि पसारे पांय ॥ बहुरि पसारे पांय
मतो राजा ने बतायो । भूमि सबै हरिलई बाँधि पाताल
पठायो ॥ कह गिरधर कविराय राउ राजन के ताई ।
छलबल करि प्रभु मिले ताहि का तिष्ठै साई ॥

७७ साई अगर उजार में जात महा पछताय ।
गुण ग्राहक कोउ नाहि है जाहि सुवास सुहाय ॥ जाहि
सुवास सुहाय सुने बन कोऊ नाहीं । कै दीगर के
हिरन सुनो कछु जानत नाहीं ॥ कह गिरधर
कविराय बड़ा दुख यहै गुसाई । अगर ओक को
राख भई मिलि एकै साई ॥

७८ साई हंस न आवहीं बिनु जल सरवर पास ।
निरजल सरवर ते डरे पंखी पथिक उदास ॥ पंखी
पथिक उदास छाँह विश्राम न पावै । जहाँ न प्रफुलित

कमल भँवर तहँ भूलि न आवै ॥ कह गिरधर कविराय
जहाँ तक बूझि बड़ाई । तहाँ न करिये साँझ प्रातही
चलिये साई ॥

७६ नैना तब परबश भये उत्तम गुण सब जाय ।
वे फिरि फिरि चोरी करै ये फिरि फिरि लपटाय ॥ ये फिरि फिरि
लपटाय नेत्र बहु रै भरि आवै । खान पान सब त्याग रात
दिन ही दुख पावै ॥ कह गिरधर कविराय सुनो तुम श्रवण
बि नैना । लोग दई अकलंक परे जब परबश नैना ॥

८० साई सुमन पलास पर सुवा रह्यो जो आय ।
लाल कली सो चोंच पर मधुकर बैठो जाय ॥ मधुकर
बैठो जाय सुवा तत्काल बचायो । कोटि कष्ट परि पाय
मारि करि छूटन पायो ॥ कह गिरधर कविराय बेगि
घर बजै बधाई । दीजै बिदा पलास जियत घर जैये साई ॥

८१ साई तेली तिलन सो किया नेह निर्बाह ।
छाँटि फटक ऊजर करा दई बड़ाई ताहि ॥ दई बड़ाई
ताहि पंचमहँ सिगरे जानी । दे कोल्हू में पेरि करी
एकत्तर घानी ॥ कह गिरधर कविराय यही माया

प्रभुताई । माया सब से भली मानु मति मेरी साई ॥

८२ साई सुवा प्रवीन अति बानी बदन विचित्र ।
रूपवन्त गुण आगरैराम नाम सोचित्त ॥ राम नाम सो
चित्त और देवन अनुराग्यो । जहाँ २ तुम गयो तहाँ तुम
नीको लाग्यो ॥ कह गिरधर कविराय सुवा चूक्यो
चतुराई । बृथा किया बिश्वास सेय सेमर को साई ॥

८३ गदहा थोरे दिनन में खूब खाई इतरात ।
अफरान्यो मारन कह्यो ऐराकी को लात ॥ ऐराकी
को लात देत शंका नहि आने । ऐराकी सँग रहे
ताहि कोऊ नहि जाने ॥ कह गिरधर कविराय रहैगा
तौलौ जबहा । ऐराकी की लात सहेगा कैसे गदहा ॥

८४ महुआ नित उठि दाख से करत मसलहत
आय । हम तुम रखे एकसे हूजत है रसराय ॥ हूजत
है रसराय बिलग जनि याको मान्यो । मधुर मिष्ट
हम अधिक कलुक जियसे जनि जान्यो ॥ कह गिर-
धर कविराय कहल साहब से रहुआ । तुम नीचे फल
बेलि बृक्ष हम ऊँचे महुआ ॥

८५ गुलतुरा सो जाय के बार्ता करत करील ।
हम तुम सूखे एक सो पूछ देखिये भील ॥ पूछ
देखिये भील भेद जो जानै मेरो । ताहू पूछ बुलाय भेद
जो जानै तेरो ॥ कह गिरधर कविराय नातरि करिहौ
हुरा । अब जनि भूलि गुमान करो फिरि हो गुलतुरा ॥

८६ हुका बांधो फंट में नैचा गहि लइ हाथ ।
चले राह में जात हैं लिये तमाकू साथ ॥ लिये तमाकू
साथ गैल को धंधा भूल्यो । गइ सब चिन्ता भूलि
आग देखत मन फूल्यो ॥ कह गिरधर कविराय
यमन कर आया रुका । जिय ले गयो जो काल
हाथ में रहिगो हुक्का ॥

८७ पगड़ी सूही बाँधि के भयो सिपाही लोग । घास
बँचि के खात हैं भयो गाँव में रोग ॥ भयो गाँव में
रोग पूछ निबरी देखावहु । मन में बड़े हो छैल राग
पनघट पर गावहु ॥ कह गिरधर कविराय मही तुमते है
चूही । भये सिपाही आनि बाँधि के पगड़ी सूही ॥
८८ पानी बाढो नाव में घर में बाढो दाम । दोनों

हाथ उलीचिये यही सयानो काम ॥ यही सयानो
काम राम को सुमिरन कीजै । परस्वारथ के काज
शीश आगे धरि दीजै ॥ कह गिरधर कविराय
बड़न के याही बानी । चलिए चाल सुचाल राखिये
अपनो पानी ॥

८६ राजा के दरबार में जैये समया पाय । साईं तहाँ
न बैठिये जहाँ कोउ देय उठाय ॥ जहाँ कोउ देय उठाय
बोल अनबोले रहिये । हँसिये ना हहराय बात पूछते
कहिये ॥ कह गिरधर कविराय समय जो कीजै काजा ।
अति आतुर नहिं होय बहुरि अनखैहै राजा ॥

६० कृतघन कतहुँ न मानहीं कोटि करै जो
कोय । सर्वस आगे राखिये तऊ न अपनो होय ॥
तऊ न अपनो होय भले की भली न मानै । काम
काढ़ि चुप रहै फेरि तिहिं नहिं पहिचानै ॥ कह गिर-
धर कविराय रहत तिनही निर्भय मन । मित्र शत्रु
ना एक दाम के लालच कृतघन ॥



बैताल का छप्पै ।

प्रथम लगन जबही लगी तबहि कछु और न सूझे ।
 सुध बुध गई हेराय तबहि सम्मुख हो जूझे ॥ बिरह
 तेग तलवार सैल अति बज्जर भारी । तपत रहे दिन
 रनि घाव अन्तिम तनकारी ॥ नित मरना नित
 जिवना सो रैनि पलट को दीजिये । बैताल कहै सुन
 विक्रम जो मित्र कहै सो कीजिये ॥

यश कारण बलिराज बावन को तिरलोक दिये ॥
 यश कारण राजा करण कमठ को कछु न शोच किये ॥
 यश कारण जगदेव शीश कंकालिहि अप्यो ।
 मोरध्वज यश हेतु स्वकर शोणित सुत तप्यो ॥ यश
 अजर अमर बैताल भनत जो यश अमर पदाइये ।
 अश्वपति गजपति नृपति तोरिसकरि यश न गँवाइये ॥

कमलपत्र दलमूल और जात जल चरकूँ ।
 महिक महिक ना गनूँ जहर की डली न राखूँ ॥
 किते मूसरी फार आठ मुट्ठी कर थामू । नरदम मारूँ
 चरन नाम गोविन्द राकूँ ॥ सुन सुरता सुन रावरे

कभी न तेजसु तुम चढ़ो । बैताल कहै सुन विक्रम
आठ पहर जूमत रहो ॥

बचन तो ऐसे दीजिये जैसे दशरथ भान । पिता
पुत्र दोनों गये बचन न दीन्हो जान ॥ बचन
छलौ बलिराज बचन कौरव बन खण्डो । बचन करन
लगे कोश बचन कौरव बन मण्डो ॥ बचन लाग
हरिश्चन्द्र नीच घर नारि समर्थो । बचन लाग जगदेव
शीश कंकालिहि अप्यो ॥ बार २ बैताल भनत तो
कागहि जिह्वा काढ़िये । जर जाय लक्ष विक्रम तनय
तो बोलि बचन मत पलटिये ॥

मरैसुम यजमान मरैकमचालक टट्टू । मरै कर्कशा
नारि मरैबो खसम निखट्टू ॥ पुत्र वही मर जाय
जो कुल में दाग लगावै । मित्र वही मर जाय समय
पर काम न आवै ॥ बेनियाव राजा मरै इनके मरे न
रोइये । बैताल कहै सुन विक्रम तबै नींद भर सोइये ॥

शशि बिनु सूनो रैन ज्ञान बिन हिरदय सूनो ।
कुल सूनो बिन पुत्र पत्र बिन तरुवर सूनो ॥ गज

सूनो बिन दन्त ललित बिनु शायर सूनो । बिप्र
मुनो बिन बेद बास बिन पुहपर सूनो ॥ सूना राज
सावन्त बिन सो घटा सूनो बिन दामिनी । कह
बैताल सुन विक्रम सो पति बिन सूनो कामिनी ॥

दबकर पढ़े कवित्त पास मोची तुक जोरे । मलहा पढ़े
कवित्त नाव गहिरे में बोरे ॥ भुजवा पढ़े कवित्त जीव
दसबीस जरावै । धोबी पढ़े कवित्त छानकर कलप चढ़ावै ॥
कुछ २ कवित्त नाऊ पढ़े सो बार मूढ़ि आगे धरे ।
बैताल कहै सुन विक्रम सो अब कवित्त सब नर पढ़े ॥

हाथी चंचल होय भूपट मैदान दिखावै । राजा चंचल
होय मुलक को सर कर लावै ॥ पंडित चंचल होय
सभा उत्तर दे आवै । चंचल होय तुरंग सवारे युद्ध
जितावै ॥ ये चारो चंचल भये सो राजा पंडित गज तुरी ।
बैताल कहै सुनु विक्रम तो एक नारि चंचल बुरी ॥

पहिरे भिगुले पटा पाग सिर टेढ़ी बाँधे । घर में तेल
न लोन प्रीति चरी सो साधे ॥ बातन में गहलेय युद्ध
आँखिन नहिं देखै । अवघट घट में जाय त्रिया सो लेखा

मांगै ॥ जानतहैं सो जानते सब दुख सुख साथी कर्म के ।
बैताल कहै सुनु विक्रम तो ये लक्षण नामर्द के ॥

मर्द शीश पर नवै मर्द बोली पहिचाने । मर्द खिलावै
खाय मर्द चिन्ता नहिं माने ॥ मर्द देय अरु लेय मर्द
को मर्द बचावै । गहिरे सकरे काम मर्द के मर्द आवै ॥
पुनि मर्द उनहीं को जानिये जो दुख सुख साथी कर्म के ।
बैताल कहै सुनु विक्रम तो ये लक्षण सब मर्द के ॥

चोर चुप्पकर रहे जो पर घर डुक्के । जोरू चुपकर
रहै पिया बिन बोल न सके ॥ चोरी चुपकर रहे शील
साहेब को मानै । गुँगा चुपकर रहे बात एको नहिं
जानै ॥ वृक्ष और जलजीव सब पवन साथ उड़ते रहें ।
बैताल कहै सुनु विक्रम कोइ २ कवि कुछ २ कहें ॥

॥ इति ॥

1875

1875

1875

1875

1875

1875

1875

1875

1875

1875

1875

1875

1875

1875

1875

1875

1875

धार्मिक तथा अन्य पुस्तकें



नाम पुस्तक	मूल्य	नाम पुस्तक	मूल्य
नवीन संग्रह	१)	भक्तिसागर	६॥)
शिवराजभूषण	२॥)	शिवपुराण भाषा	१२)
कुण्डलिया रामायण सटीक ॥=)		मानसमंथन	२)
कवितावली रामायण सटीक १॥)		आनन्दसागर प्रथम भाग	२)
गीतावली रामायण सटीक १=)		चाणक्यनीति	॥)
प्रेमसागर	३)	भक्तमाल बड़ा सटीक	१२)
भगवद्गीता भाषा	२)	योगवाशिष्ठ भाषा सम्पूर्ण	२२)
रामायण सटीक मध्यम	१०)	महाभारत सबलसिंह	७)
सुखसागर मध्यम	१२)	बृजविलास कवितावली	॥)
विश्रामसागर मध्यम	७)	रहीम कवितावली	॥)
भगवद्गीता भा० टी०	६)	सूरदास का दृष्टिकूट	॥)
भक्तमाल भाषा	६)	सुन्दरविलास	१)

मिलने का पता—

(राजा) रामकुमार-प्रेस-बुकडिपो, लखनऊ.